



Broj:
Sarajevo, 28.01.2026. godine

PARLAMENTARNA SKUPŠTINA BOSNE I HERCEGOVINE
PREDSTAVNIČKI DOM

n/r predsjedavajućeg, g. Marinko Čavara

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO:			
Organizaciona jedinica	Klasifikaciona oznaka	Redni broj	Broj priloga
01-	10-1-	349/26	

PREDMET: Poslanička inicijativa, dostavlja se

U skladu sa članom 166. i članom 170. Poslovnika Predstavničkog doma Parlamentarne skupštine Bosne i Hercegovine ("Službeni glasnik BiH", br. 79/14, 81/15, 97/15, 78/19, 26/20, 53/22, 59/23, 87/23, 50/24, 73/24 i 56/25), podnosim

POSLANIČKU INICIJATIVU

kojom se traži od Ministarstva civilnih poslova Bosne i Hercegovine da u skladu sa Zakonom o postupku zaključivanja i izvršavanja međunarodnih ugovora pokrene proceduru bilateralnih pregovora sa Ruskom Federacijom radi vraćanja u posjed Povelje Kulina bana.

Образложење

Povelja Kulina bana iz 1189. godine predstavlja jedan od najstarijih sačuvanih državnih i diplomatskih dokumenata južnoslavenskog prostora, kao i najznačajniji pisani dokument srednjovjekovne bosanske državnosti. Njena historijska, pravna i simbolička vrijednost predstavlja snažan dokaz identiteta, kontinuiteta i međunarodnog subjektiviteta moderne države Bosne i Hercegovine.

Originalni primjerak Povelje Kulina bana danas se nalazi izvan teritorije Bosne i Hercegovine, u posjedu Ruske Federacije. Međunarodno pravo, kao i praksa UNESCO-a i drugih relevantnih međunarodnih organizacija, prepoznaje pravo država da zahtijevaju povrat kulturnih dobara koja predstavljaju neotuđivi dio njihovog historijskog i kulturnog identiteta. Brojni primjeri iz ranije prakse pokazuju da se povrat ovakvih dobara najčešće realizira putem bilateralnih pregovora, diplomatskih inicijativa i međudržavnih sporazuma, uz uvažavanje principa dobre vjere i međunarodne saradnje.¹

Zbog svega navedenog, najispravniji put je da Ministarstvo civilnih poslova Bosne i Hercegovine uputi zvaničnu inicijativu prema nadležnom organu Ruske Federacije za pokretanje pregovora o vraćanju Povelje Kulina bana u posjed države Bosne i Hercegovine.



¹ Vidjeti: Konvencija UNESCO-a iz 1970. godine o mjerama zabrane i sprečavanja izvoza i prenosa vlasništva nad kulturnim dobrima.